



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**DE || LIBERTATE || CHRISTIANA ||**

**Lensaeus, Johannes**

**Antverpiae, 1590**

Capvt V. Ecclesiasicis quoque Præfectis teneri Christianos obedire ,  
idq[ue] fieri citra vllum Christiana libertatis detrimentum.

[urn:nbn:de:hbz:466:1-46059](#)

446 DE CHRISTIANA LIBERTATE  
diabolus exigit, qui à Deo sunt alieni, liberos evasisse,  
omninoque tandem ab ipsa etiam temporaria morte  
liberandos. Illi enim serui sunt; quia qui facit pecca-  
tum, seruus est peccati: hi liberi, quos sibi acquiescen-  
tes, veritas liberauit. Quòd pertinere arbitror quod a  
diuus Augustinus in opere de consentiu Euangelista-  
rum eiusmodi verbis: Dicit in omni regno liberos esse  
filios; id est, non esse vestigales. multo ergo magis li-  
beri esse debent in quolibet regno terreno filii regis  
iphius, sub quo sunt omnia regna terrena. Tanquam  
diceret: Si terrena hæc libertas à iugo tributariæ serui-  
tutis cohæret cum ea dignitate, qua si quispiam filius  
terreni regis: quanto maior veriorque libertas, videlicet  
à peccato, diabolo, & morte competit iis, qui calo-  
sti regeneratione filij Dei effecti sunt! Nam quòd pater  
Petro dederit, non id fecit, quia Petrus ipse esset debi-  
to eiusmodi contributionis obligatus: velùm magna  
id quoque rei significationem gerit. Nam cùm tribu-  
tum hoc à familiarum solis capitibus persistari sole-  
tur esset, satis insinuavit velle se aliquando suæ fami-  
liae caput seu restorem esse Petrum. Ex quo illa vide-  
tur exorta controversia inter discipulos, de qua agit  
capite consequenti: Quis putas maior est in regno  
cælorum?

### CAPUT V.

Ecclesiasticis quoque Praefectis teneri Christianos  
obedire, idq; fieri circa nullum Christiana  
libertatis detrimentum.

**N**E Q.V.E. verò regiæ tantummodo & seculari cui  
cunque potestati, verum etiam Ecclesiasticis, si  
mili cura obedientiaque patendum est. Cùm enim  
potissimum duo sint genera rerum; alterum earum  
qua ad temporariam Reipublica salutem & tranqui-  
litatem pertinent, presentique tantummodo via en-  
tiuntur.

stant: alterum earum quæ propter futurum sèculum  
comparantur, & famulani pietati: ut in illo genere  
supremos quosdam esse administratores oportuit, qui  
communi omnium paci consulerent, quibus eam ob-  
eansam obedientia deberetur; ita & hoc genus reruna  
(quoniam in vitroque versari & præesse per seipso  
iidem non poterant) proptios quosdam administrato-  
res moderatoresque poscebat, quibus tanto studiosius  
esset obtemperandum, quanto meliorem pacem & fe-  
licitatem veterem, sua hominibus directione & pru-  
dentia procuraret. Ideoque ut Isocrates præclarè duas  
res maximas in hominum vita dicebat esse, Principa-  
tum & Sacerdotium; quas tamen res nemo non expe-  
teret tanquam dignus, nemo non crederet se posse re-  
gire gubernare tanquam prudentissimus: ita Iustinia-  
nus Imperator, inter Christianos Principes iuris pru-  
dentia clarissimus, dicere solitus erat, maxima dona  
quæ à Deo mortalibus tributa essent, Sacerdotij di-  
gnitatem & Imperium se existimasse, quod illa qui-  
dem diuinæ res administret & dispenset; hoc autem,  
legibus æquis & iustis, omnia quæ in terris siant, mo-  
dereatur. Ignatius quoque sanctissimus & invictissi-  
mus martyr: Scriptum est, inquit, Honora fili Deum  
& Regem. ego autem dico: Honorate quidem Deum,  
viauctorem omnium & dominum: Episcopum autem  
tanquam principem sacerdotum, imaginem Dei fe-  
tentem: principatum quidem secundum Deum, sacer-  
dotium verò secundum Christum. & post hunc ho-  
norare oportet etiam Regem. Nemo enim potior est  
Deo, neque similis est ei: neque Episcopo in Ecclesia  
quisquam honoratior, sacerdotium Dei gerente pro-  
mundi salute: neque Regi quis similis est in exercitu,  
pacem & benevolentiam omnibus Principibus cogi-  
tant. Quod si quis contra Regem insurgens, damna-  
tione dignus est: quomodo vltionem evadere poterit,  
qui

448 DE CHRISTIANA LIBERTATE  
qui præter Episcopum quicquam egerit? Sacerdotium  
enim, summa est omnium bonorum, quæ in homini-  
bus constant. Hæc ille in Epistola ad Smyrnenses scri-  
pta reliquit: studiosè discernens & genera rerum, in  
quibus potestates illæ sacerdotij imperiūq. versentur;  
& non obscurè significans, vtra sit alteri, obediendi  
studio anteponenda. Si enim temporaria æternis, & ter-  
rena cælestibus seruire debent; cauēdumque est atque  
omni cura nitendum, ne quid teculari ad ministratio-  
ne geratur, quod populos Christianos aut reuocet  
studio pietatis, aut in eo quo ad vitam beatam con-  
tenditur cursu retardet: perspicuum est, ciuilem pot-  
estatem, cuius circa terrenas res cura distenditur, Ec-  
clesiasticæ auctoritatis culmen & functionis dignita-  
tem debere suspicere. Verissimè quippe & Chrysosto-  
mus & Gregorius Nazianzenus scribunt, sacram &  
Ecclesiasticum principatum tanto esse omni regno ex-  
cellentiorem, quantum inter spiritum & carnem, inter  
cælum & terram, inter diuina & humana discrimen  
& interuallum esse potest. Magna quidem est regis  
throni celstudo, magnus coronæ splendor: sed ex quo  
Reges Christo fasces suos & sceptra submiserunt, ac  
familia Christianæ membra, ciuesque cælestis Hiero-  
rusalem adhuc peregrinantis effecti sunt: ex eo quo  
que tempore cœperunt ei debere obedientiam, quem  
ouili suo Dominus praefecit, & constituit super fami-  
liam suam, ut ei daret cibum in tempore; cui sine ullo  
discrimine, sineq. exceptione dictum est. Pasce oues  
meas. Habet sanè potestas illa, in quibus regio sceptro  
sublimis & conspicua est, supremam auctoritatem in  
procuratione rerum humanarum. sed quoniam huius  
procurationis scopus esse Christiano principi debet,  
religionis & diuinorum mandatorum in orio & pace  
conseruatio: idcirco in iis rebus quæ salutis commu-  
nis & religionis causas attingunt, iure & merito Chri-  
stiani

Lib. 3. de Sa-  
cerdos.

stianis gregis pastori acquiescit: non modò vt vnuſ ho-  
muncio, aut vna quæpiam ē grege Domini ouicula,  
quæ animæ salutisque suæ cura tangatur; verum etiam  
terrestris Reipublicæ moderator, si quando ea esset  
admissurus, quæ Ecclesiæ & spiritualis Reipublicæ  
commodis officerent. Quæ, vt opinor, consideratio  
primos illos clarissimosque Christiani nominis prin-  
cipes adduxit, v. Ecclesiastici ordinis quasdam exem-  
ptiones seu immunitates, aut vltro ipsi facerent, aut  
hieri potius Ecclesiæ auctoritate, iuxta diuinæ iurisratio-  
nem patarentur. Neque enim mediocre nasciturum  
erat religionis detrimētum, si ministri Dei, quos sum-  
mai in veneratione haberi, magnum est pietatis & fi-  
dei firmamentum; sua ob delicta, aut alias cuiusque ge-  
neris temporales causas, ad sacerdotalia tribunalia trahe-  
rentur. Vnde & apud Ambrosium est, epistola vigeſi-  
ma quarta, ne Episcopi causam præfectus cognosce-  
ret, magno populi ardore studioq; effectum esse. Atq.  
haec libertas est Ecclesiastica, ordinatione Dei, vt Tri-  
dentinum Concilium loquitur, & Canonis sanctio-  
nibus constituta. Nam ne qui præfecti sacerdtales,  
studio cupiditatis, seu incōsideratione aliqua, violēt,  
diligenter inhibuit: decreuitque & præcepit, sacerdos  
Canones & Concilia generalia omnia, nec non alias  
Apostolicas sanctiones, in fauore Ecclesiastice liber-  
tatis, & contra eius violatores editas, exactè ab omni-  
bus obseruari debere. Cuius libertatis & apud diuum  
Bernardum est mentio, epistola centesima septuagesi-  
ma septima, & ducentesima decima sexta, & ducen-  
tesima decima septima: in qua Theobaldum Comi-  
tem landat, tanquam libertatis Ecclesiastice defenso-  
rem. Valentinianum certè seniorem, testis est Ambro-  
sius epistola trigesima secunda, non solùm sermone  
respondisse, verùm etiam legibus suis sanxisse, in cau-  
sa fidei, vel Ecclesiastici alicuius Ordinis, iudicare

*Vide hoc apud  
Leonem, epist.  
96 ad Episco-  
porum & Presby-  
teros intra  
Thraciam pre-  
uniciam con-  
stitutas.*

¶ cum

eum debere, qui nec munere impar sit, nec iure diligenter  
milis: hoc est, Sacerdotes de Sacerdotibus voluit iudicare. Quin etiam si alias quoque argueretur Episcopus, & morum esset examinanda causa, etiam hanc  
voluit ad Episcopale iudicium pertinere. In octauo  
quoque Synodo alloquens Basilius Imperator Syno-  
dum, his utitur verbis: Quāquam non datum sit isti  
scilicet laicis, secundūm Canonem dicendi quicquam  
penitus de Ecclesiasticis causis. Opus enim hoc Po-  
tificum & Sacerdotum est. Verūm cūm Ecclesia vi-  
litatem plus requirere pastores Ecclesiae summi iud-

*Cap. Significa-  
ti, & cap. Ci-  
vili genti, de fo-  
ro competenti,  
apud Gratian.* Magistratus subiijcere sese possint, ac prætermisso Sa-

cerdotali iudicio, secularem adire potestatem, siue  
Leo epist. 96. uilis sit, siue criminalis causa. Censemus, inquit Leo  
& Milevita-  
nūm conciliū  
Can. 19. & in  
Decretū Sil-  
vestri Pontif. ut quicunque prætermisso Sacerdote Ecclesiae sua, a  
disceptationem venerit secularium, sacris liminibus  
expulsus, à cælesti arceatur altario: neque illus po-

hanc definitionem, quæ cōmuni sedet arbitrio, quia  
quam sibi ultra præscriptum vendicare nitatur. Quia  
ideo, inquit, singulos vniuersosque volumus agnoscere; ut quod pleno iustitiae & iuris ordine constitutum  
est, effectum totius firmitatis in omnibus Clericorum  
negotiis sortiatur. Sic ille. Nec pluribus est opus, ut in-  
telligatur quanta adulacionis peste dicatur à nonnullis,  
totius Ecclesiasticæ disciplinæ rationem à principiis  
secularium aut Magistratus politici nutu sic pédere  
ut sine eorum assensu atque iudicio ab Ecclesia Pro-

*Rodolphus Ti-  
gurinus, in  
Prefatione in  
epist. ad Galati-  
as, ad Iacobū  
Sextum, &c.  
ut Regem.* festis constitui nihil possit. Sic enim quidam ex No-  
uatoribus, cūm ad Scotiæ Regem scriberet, literis suis  
consignatum reliquit: Ut Ecclesiarum, inquit, disciplina  
certa & stabilis sit, tatum semper esse debet apud  
eos qui sub Principibus Christianis libera Evangel-

predicatione fruuntur, illud Apostoli axioma, quod paulo antè adduximus, Omnes homines, siue illi ex vulgo sint, siue ecclesiarum ministri, suis ordinariis Magistratibus subiectos esse debere: iis nimirum, penes quos ius gladij Deus esse voluit. Diligenter ergo caueant Euangelij precones, ne quam Ecclesiæ Oeconomiam instituant, qua Magistratum auctoritas labefactetur, & ne nouam immunitatem sibiipsis vendicando, ad eundem cum Papistico clero lapidem offendant, & aliis quoque minus honorifice de Magistratu sentiendi occasionem præbeant. Nam et si, inquit, Dei verbum & religio nullius hominis arbitrio & imperio subiecti debeant, debent tamen verbi & religionis administrati suos Principes agnoscere, neq. his inconsultis & inuitis (de Christianis Principibus loquor) quicquam statuere: ne, dum sine his disciplinam exercere volunt, dominium affectare videantur, & simul Magistratum auctoritati derogent. Hæc ille. Talibus indubie verbis, non regnum modò tempora-neum, verùm etiam Christi Ecclesiam, in his quæ Ecclesiasticae sunt administrationis, potestati sæculari subiecti. Et hoc quidem, ut certa, sicuti scribit, & stabilis Ecclesiarum disciplina esse possit, quasi plus ad stabilitatem valeat sæcularis, quam cœlestis & diuina potestas. Quod autem fundamentum assertionis huius in eo ponit, quod beatus Apostolus dicat: Om-nem animam sublimioribus potestatisbus subditā esse debere: id si quid haberet firmitatis, conuinceret, non Christianos modò Principes, verùm etiam infideles, qualis Nero fuit, non temporalem solum regni, sed etiam spiritualem Ecclesiæ præfecturam gerere; nec quicquam potuisse Petrum statuere quod ad Ecclesiæ disciplinam pertineret, inconsulto Nerone. Valebat enim tunc quoque quod scriptum est: Omnis anima sublimioribus potestatisbus subdita sit. Imò verò pro-

pter infideles, qui tunc erant Principes, commendata  
 hæc est fidelibus disciplina; ne illis hoc nomine sub-  
 trahendam putarent obedientiam, quod essent infi-  
 deles. Ut igitur illis temporibus subiecta erant regna  
 terrena Regibus impiis, non ipsæ Ecclesiæ, tamen ijs.  
 dam personis magna ex parte constarent: ita modò  
 Christianis Magistratibus ciuitates subiiciuntur, non  
 Ecclesiæ. Quin potius, quia sunt Christiani Magistra-  
 tus effecti, ob id ipsum Ecclesiæ, eiusque Præfести-  
 uerentiam atque obedientiam debent ijs in rebus que  
 ad Ecclesiasticā propriè pertinent administrationem.  
 Sicut enim gladius materialis, quem solum terrena  
 potestas accepit, debet seruire accedere gladio spiri-  
 tuali: ita etiam Magistratus politicus non præesse, sed  
 subesse Ecclesiastico debet in iis que spectant ad con-  
 stituendam, vel conseruandam Ecclesiæ disciplinam:  
 quippe quam & in ipsis Magistratus ac Principi  
 seculares, cum opus est, pro sua auctoritate exerceat.  
 Et hæc eò pertinent, ut Ecclesiasticæ potestatis emi-  
 nentia, præ ea quæ secularis est, cognoscatur. Cui si  
 obtemperandum esse nihil impedit Christianam li-  
 bertatem; quanto minus illam eidem aduersari cre-  
 dendum est, quæ multo diuinior in id potissimum in-  
 cumbit, ut vera homines libertate potiantur? Quam  
 & Gelasius Pontifex ad Anastasium Imperatorem  
 scribens, eismodi verbis commendauit: Duo sunt,  
 inquit, imperator Auguste, quibus principaliter hic  
 regitur mundus, Auctoritas sacra Pontificum, & Re-  
 galis potestas. In quibus tanto grauius est pondus  
 Sacerdotum, quanto eriam pro ipsis Regibus, vel le-  
 gibus hominum, in diuino sunt examine rationem  
 reddituri. Liceret enim praesideas humano generi digni-  
 tate rerum, tamen Præsulibus diuinarum, devotus  
 colla submittis: atque ab ijs causas tuæ salutis exspe-  
 ctas, inque sumendis cælestibus Sacramentis, eisque,

ut competit, disponendis, subdi te debere cognoscis, religionis ordine, potius quam præesse. Hæc Gelasius de eminentia Sacerdotalis potestatis: quam alias quoque Valentinianus Imperator agnoscens, cum de Episcopi cuiusdam electione ageretur, eiusmodi verbis Episcopos est allocutus: Talem in Pontificali constituite sede, cui & nos, qui gubernamus Imperium, sincerè capita nostra submittamus, & cuius monita, dum tanquam homines deliquerimus, necessariò velut curantis medicamenta suscipiamus. Sed & ante hunc Constantinus ad Episcopos qui Nicęam conuenerant, Deus, inquit, vos constituit Sacerdotes, & potestatem vobis dedit de nobis quoque iudicandi. Proinde sanctus Innocentius Arcadium Imperatorem à sacra Communione submoiere non dubitauit, quod consenserat ut Ioannes Chrysostomus à sua sede pelleretur. Sed nihil est ea historia memorabilius, quam Theodoretus libro quinto describit de Theodosio Imperatore, quem sanctus Ambrosius, Mediolanensis Episcopus, non solum exclusit à communione, tempique ingressu: verum etiam ad publicam pœnitentiam adegit, deposita purpura, omniique Regio ornatu: arque id quidem fecit, propterea quod apud Thessalonicam aliquot hominum milia promiscue, & indicta causa, iussu eius trucidata essent. Qua in re, maiorēmne Episcopi libertatem, an Imperatoris obedientiam, animique demissionem, admirari debeamus, incertum est.

## f 3 CAPUT